

ORDENANZA FISCAL NÚM. 20

TAXA POR UTILIZACIÓN DAS INSTALACIÓNS DA PISCINA MUNICIPAL.

Artigo 1.

Segundo o que se establece nos artigos 20.4 e 24 do Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais, así como os artigos 15 a 19 do mesmo texto legal e no uso das facultades conferidas polos artigos 133.2 e 142 da Constitución e polo artigo 106 da Lei 7/85, reguladora das Bases de Réxime Local, este Concello establece a taxa por utilización das instalacións da piscina municipal que se rexerá pola presente ordenanza.

Artigo 2. FEITO IMPOÑIBLE.

Constitúe o feito imponible desta taxa a utilización das instalacións da piscina municipal.

Artigo 3. SUXEITOS PASIVOS.

Son suxeitos pasivos desta taxa as persoas físicas e xurídicas e as entidades a que se refire o artigo 35.4 da Lei xeral tributaria 58/2003, do 17 de decembro, que soliciten ou resulten beneficiadas ou afectadas polos servizos ou actividades de que se trata.

Artigo 4. EXENCIÓNS.

Están exentos do pago da taxa reguladora nesta ordenanza:

- Os usuarios do centro de diminuídos psíquicos dependente da Fundación de Diminuídos Psíquicos "Vilalba Terra Chá"

Artigo 5. BONIFICACIÓNS.

- a) Os aboados terán dereito a unha bonificación do **50%** do importe dos cursos de natación, a excepción da natación escolar.
- b) Os aboados terán dereito, así mesmo, a unha bonificación polo importe da taxa de matrícula cando a alta como aboadado se formalice no primeiro mes da tempada ou cando se domicilie o pago do recibo mensual como aboadado.

Artigo 6. BASE IMPOÑIBLE E COTA TRIBUTARIA TARIFA.

a) **Base Imponible:** A base imponible será a cuantificación económica do feito imponible determinado segundo a tarifa que se expón a continuación.

b) **Tarifa da Taxa:**

b.1) **Abonos:**

SOCIOS	PREZO	
ABONO MAÑÁ	15 €/mes	DESCONTOS CURSOS 25%
ABONO INDIVIDUAL	25 €/mes	DESCONTOS CURSOS 50%
ABONO FAMILIAR	35 €/mes	DESCONTOS CURSOS 50%
BONOS 10 BAÑOS	19 €	
ABONO ANUAL MAÑÁ	137,50 €	DESCONTOS CURSOS 25%
ABONO ANUAL INDIVIDUAL	220 €	DESCONTOS CURSOS 50%
ENTRADA NENO / +65 ANOS	2 €	
ENTRADA ADULTO	3 €	
ENTRADA SAUNA	4 €	

Nota: A validez dos bonos de 10 baños será de 30 días.

b.2) **Cursos y clases de natación:**

CURSOS -16 ANOS	PREZO
1 DIA	10 €/mes
2 DIAS	20 €/mes

CURSOS DE 16 A 65 ANOS	PREZO
2 DIAS	25 €/mes
3 DIAS	35 €/mes

NATACION ESCOLAR	PREZO
NATACION ESCOLAR -4 ANOS	12 €/mes
NATACION ESCOLAR DE 4 A 12 ANOS	9 €/mes

Cada neno ten que estar acompañado por un adulto durante o baño.

Nota: A natación escolar será 1 día á semana con posibilidade de aumento de días á semana aumentando o prezo de xeito proporcional.

GRUPOS ORGANIZADOS	PREZO
1 DIA	15 €/mes
2 DIAS	30 €/mes

REHABILITACION	PREZO
2 DIAS	28 €/mes
3 DIAS	36 €/mes
CURSOS INTENSIVOS	36 €/mes

CURSOS +65 ANOS	PREZO
2 DIAS	20 €/mes
3 DIAS	25 €/mes

Nota: os cursos serán trimestrais e o pago dos mesmos pasarase cada mes.

b.3) Exención de taxas:

Poderán eximirse do pago das taxas aqueles casos nos que se dean circunstancias familiares, sociais ou socioeconómicas desfavorables, e sexa aprobado pola Xunta de Goberno Local, logo do informe motivado.

Artigo 7.

A taxa pública regulada nesta ordenanza referente aos cursos e clases de natación inclúe o servizo de monitor.

En todo caso, o tempo máximo de utilización do vaso da piscina, por sesión, será de 45 minutos.

Artigo 8.

As necesidades derivadas da programación de actividades, cursos ou outras modalidades non contempladas na tarifa da presente ordenanza poderán ser aprobados pola Xunta de Goberno Local a proposta do concelleiro delegado de deportes despois do informe da comisión informativa de deportes do concello, dando conta ao Pleno na primeira sesión que celebre.

Artigo 9. Devengo.

A taxa devengarase e farase efectiva no momento de solicitar a utilización das instalacións da piscina non podendo utilizalas sen presentar os xustificantes de pago.

En todo o que non se prevé nesta ordenanza estase ao que se dispón na **Lei xeral tributaria 58/2003**.

DISPOSICIÓN DERRADEIRA.

A presente ordenanza fiscal, que se modificou polo **Pleno do Concello** na súa sesión celebrada o día **2/10/2014**, entrará en vigor unha vez publicado o seu texto íntegro no BOP de Lugo (**BOP núm. 281, do 9/12/2014**), e será de aplicación despois de transcorrido o prazo de **15 días** dende o seguinte á súa publicación no dito boletín (**27/12/2014**), ata a súa modificación ou derogación expresas.